

續修四庫全書

卷之四

《續修四庫全書》編纂委員會編

續修四庫全書

上海古籍出版社

三九七・史部・紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(正編卷二百三十至卷二百七十四) [清]慶桂等撰

2286/07

據清嘉慶十五年武英殿
刻本影印原書版框高二
二三毫米寬三三四毫米

欽定剿平三省邪匪方略七

〔清〕慶桂等撰

欽定剿平三省邪匪方略正編卷二百三十 辛酉年

正月十三日庚寅長麟奏言竊臣前帶兵由黃官

嶺拔營馳赴西路剿辦樊逆賊匪該逆由武關

西溝竄往黑河一帶可由陽平關直入甘境臣

趕往剿辦既須抽調兵勇且距賊蹤稍遠誠恐

不能抄至賊匪西面或致乘虛闖入甘省則冬

一省蹂躪卽冬一路牽綴當於十二月二十八

奉 聖 旨 著 照 所 請 欽 此

日派委原任副都統候補佐領和興額叅將張

應魁羅全亮等帶領馬步兵勇先行趕緊馳往

囑其尋覓捷徑抄至賊匪西面務將陽平關護

住俾不致賊匪竄入臣一面連夜催調兵勇卽

於初一日由沔縣沮水一帶自北向南兜剿途

次據報該匪由黑河寨出大安向東南狂奔已

至母猪壩相距鐵鎖關僅數十里一過鐵鎖關

卽可竄入川境詎該匪等不肯入川假意向東

南奔跑計圖誘令官兵追向東南該匪等甫抵

母猪壩卽突然翻山折向西北飛竄有由陽平

關畧陽一帶竄入甘省之勢和興額張應魁羅

全亮等已經探知前情卽星馳趕至寬川地方

潛伏山後僅令鄉勇一二人在於山頂哨探賊

匪竄入寬川我兵突起喊殺賊匪一見官兵仍

奉 聖 旨 著 照 所 請 欽 此

卽折向南奔我兵追至五丁關賊匪搶上對而

山梁恃險抗拒我兵亦俱搶佔山梁冀將賊匪

逼過五丁關以南免致又竄甘省和興額等鼓

勵兵勇奮力攻撲詎該匪總欲奪路北竄不肯

經過五丁關捨死衝突自午至申往來衝壓數

次我兵人人憤恨和興額帶領馬隊將北竄大

路截住羅全亮等分兵兩路左右攻擊鎗礮如

雨賊匪無路可走始奔五丁關搶上山梁我兵
緊跟追上乘勢下壓兩路兵勇一齊撲殺刃矛
鎗箭並施立斃賊匪四百餘名生擒六十七名
搶獲騾馬旗幟器械甚多賊匪登時敗竄向南
奔逃我兵追至滴水舖賊匪竄入溝內潛匿時
天色已黑兩路兵勇合在一處暫紮次日五鼓
據報賊匪翻山直奔寧羌州我兵仍卽星飛追
往先有寧羌州知州馮裕定率領鄉勇施放鎗
礮轟擊又有叅將李殿元遊擊王興朝都司王
自祿聞信亦俱帶領兵勇趕到賊匪一見數路
官兵追至立即捨命狂奔兵勇追殺二十餘里
沿途又殲斃賊匪數十餘名賊分爲三股奔向
何家巖虎皮溝梨樹坪一帶老林內潛匿我兵
趕至已在二更以後林深樹密不能深入卽在

北面用鎗礮向林內轟擊至初三日賊匪被轟
情急始由老林竄出奔入四川廣元縣境我兵
防其折竄仍在邊界防堵竟日差探賊蹤未遠
於初五日始行撤回其在五丁關擒獲之活賊
六十七名訊明均係矛手並據供稱此股大頭
目係樊人傑冉添士小頭目王士茂蒲興浩又
有副元帥二人一姓徐一姓王等語餘無要供
當卽概行正法其陸續逃出被裹難民絡繹載
道約有四五百人臣分差員弁截向訊問俱係
南鄭寧羌沔縣城固洋縣一帶附近居民被裹
僅止數日當卽酌給路費釋回安業至官兵在
五丁關打仗當往來衝壓之際防禦興明都司
朱英五品軍功原任守備孟嘉勇首先撲賊力
戰陣亡候補佐領和興額攔截大路時手刃三

賊用力過猛右膀舊傷震破侍衛成善腰受石傷一處頗重右腿亦受石傷一處其餘兵勇亦間有傷亡容俟查明咨部臣正在繕摺間適接額勒登保來信以楊遇春綸布春汪啟等現在追剿樊冉等股臣協力剿辦查樊逆賊匪已經逼剿入川其冉逆賊匪仍在南山以內併據探報楊遇春綸布春等又復折回石泉境內是

《聖朝聖訓》

五

賊匪又有東竄之勢臣趕緊進山偵探賊蹤或應與楊遇春等合力截殺或應分路兜剿務竭盡心力相機妥辦俾額勒登保不致分心兼顧以冀迅就掃除又臣接慶成來信川省竄來兩股賊匪現在巴山簡池壩等處遊奕距鍾家溝卡隘不遠經官兵堵截退回尙未遠遁又一股賊匪竄至小祥壩塔壩河滋擾縣丞李品都司

張俊帶領兵勇截擊殲斃執旗賊目一人殺死餘賊數人生擒三名逃出被裹男婦二十餘人賊匪敗竄又經何家寨居民施放滾木壘石擊斃賊匪八人餘賊遁入老林藏匿未致北竄又一股賊匪由紫陽竄入王瓜溪經總兵胡定泰帶兵截擊該匪仍折向東奔等語至東路龍苟等逆賊匪分爲數股竄至目連橋曹家壩金山

《聖朝聖訓》

六

梁洞汝二河等處滋擾並有衝突江岸者經額勒亨額督兵施放連環悉力轟擊賊匪卽退上山梁潛匿現在總兵喜明馬玉魁革職總兵柯藩帶領官兵由馬鬃嶺截剿藩司溫承惠帶領馬隊並鄉勇從銀硃壩趕赴吊陽關堵截緊顧東面又徐添德一股賊匪已竄至平利屬之草廟子廣木洞等處距平利城四五十里又前白

安康五塊石過江之高馬等大股賊匪已由涇子溪竄至紫陽屬之五郎坪林本河一帶額勒登保因漢江南北均有賊氛是以卽由漢陰之雙乳舖地方在東面兜截兼顧江岸至前與伍懷志合夥之冉逆小股賊匪今又分股奔竄伍逆賊匪仍在黃官峪左近老林內藏匿遊擊綽克圖候補通判維昂現已帶領兵勇趕往搜捕又據探報參贊德楞泰亦於正月初一日由西鄉趕赴石泉一帶相機剿辦又南鄭褒沔寧羌一帶防堵事宜遠距西鄉六七百里先經臣札商慶成亟須添派大員一人督率總兵楊奎猷觀祥二人在彼堵禦庶較嚴密茲據慶成覆信現已報明經畧額勒登保添派副都統慶祥趕赴漢南督率堵禦奏入

上命軍機大臣傳諭長麟曰樊人傑一股由黑河竄出後不肯入川假意向東南奔逃欲誘官兵追趕乘間西竄長麟察探賊情於新正月初一日帶領兵勇自北向南兜剿在五丁關地方斃賊四百餘人生擒六十餘名散出被裹難民四五百人賊匪翻山直奔寧羌州復經兵勇追殺二十餘里該逆始由老林竄出奔入四川廣元縣境所辦尙好長麟於賊匪剿敗後防其折竄仍在邊界防堵竟日差探賊蹤去遠始行撤回但賊蹤詭詐雖被官兵逼向廣元其意未必卽肯入川或見官兵業已撤回又復折而西竄擾及甘境亦不可不防向來各路帶兵大員剿辦一股賊匪勢已殘敗奔逃或因他股賊匪需兵剿捕又復舍而他顧以致殘敗之賊無兵追躡仍復輾轉蔓延前功盡棄最爲五年以

來軍營通病長麟係陝甘總督自不責令遠離本境追剿入川然必須酌派勇幹大員帶領兵勇駐劄邊境不使賊匪復又西竄方爲妥善至再逆一股現在南山以內有東竄之勢長麟以楊遇春綸布春等已折回石泉隨趕緊進山偵探賊蹤或與楊遇春等合擊或分路兜剿自應如此辦理其或分或合之處惟在長麟相機妥辦朕亦不爲遙制

聖祖聖訓卷五

九

但賊匪欲圖東竄長麟若由西面進擊倘賊匪因逼剿緊急轉向東北奔竄勢必擾及鎮安商州一帶長麟自應酌量情形繞至北面迎截將賊匪驅逐向南逼過漢江或由寧河一帶入川方可易於搜捕長麟務須熟籌妥辦勉力奏績毋令賊趨東北爲要至所奏徐添德一股賊匪與高二先後竄出楚境昨已據額勒登保具奏情形相同自屬確

實惟書麟等尚未奏到業經降旨將徐逆一股專

交長齡明亮剿辦徐添德竄入陝境後長齡等自

必跟蹤追擊足資剿捕也所有此次在五丁關打

仗殺賊之候補佐領和興額帶兵攔截大路手刃

三賊因用力過猛將右膀舊傷震破實爲奮勇出

力和興額著加恩賞給協領銜遇缺卽補以示鼓

勵侍衛成善亦受石傷二處曾否平復並著遇便

聖祖聖訓卷五

十

覆奏其撲賊力戰陣亡之防禦明興都司朱英五

品軍功原任守備孟嘉勇俱著咨部賜卹

十四日 辛卯

上命軍機大臣傳諭額勒登保德楞泰曰自剿辦教

匪以來兵勇等打仗殺賊備歷艱辛屢著勞績節

經加恩賞資俱交帶兵大員傳旨賞給但朕屢念

伊等日久勤勞無時或釋茲特派大理寺少卿窩

星額太僕寺少卿安行簡資銀十萬兩馳驛前往
經畧叅贊軍營著額勒登保德楞泰查明出力兵
勇技名賞給並會同宣旨以此項銀兩係特派欽
差資銀犒勞周應拊循俾兵勇等咸喻朕軫卹戎
行格外加恩之意自必倍知鼓勵踴躍爭先於現
在剿捕事機更爲有益並著萬星額裘行簡帶去
珊瑚豆黃瓣大荷包一對小荷包四個綠玉帶頭
一副賞額勒登保珊瑚豆黃瓣大荷包一對小荷
包四個鑲玉帶頭一副賞德楞泰珊瑚豆黃瓣大
荷包一對小荷包二個賞楊遇春又四喜玉搬指
五個玉搬指十個堪達罕搬指十個玻璃搬指五
個瑤珞翎管十個花翎十枝皮搬指套五個眼罩
五個大小荷包各三十對交經畧叅贊會同萬星
額裘行簡分賞出力帶兵人員以示省念勞臣恩

施無已至意至各路軍營剿賊已及五年雖招撫
之旨屢下而真賊投出者甚少現在賊首如徐添
德王廷詔爲起事首犯其高二馬五高三屢經戕
害大員於諸賊中最爲兇悍此五犯自知罪大惡
極卽聞有投出免死之旨未必肯信亦萬無准其
自首貸以一線之理轉無庸再爲招致惟有速行
擒戮殄此渠魁其餘賊匪自必日就解散著經畧
叅贊等通行曉諭軍營此五逆中有能殲擒一名
者官員則加二等超擢若係兵勇則超補守備賞
銀二千兩如賊隊中有自行縛獻者不但免其從
逆之罪並加恩拔用千總賞銀一千兩其餘如樊
人傑冉學勝龍紹周苟文明等若悔罪投出尙可
貸其一死若臨陣殲擒一名官員則加一等陞擢
若係兵勇則超補千總賞銀一千兩如賊隊中有

得獻樊人傑等逆者免其治罪外並加恩拔用把
總賞銀五百兩使官員兵勇知有逾格賞擢咸思
奮勉立功卽賊匪夥黨聞知此信交相傳說自必
互生猜忌紛紛解體況各首逆親信黨與始終固
結者自屬無多其餘皆係裹脅之人本無固志易
於搖動知有此旨既能自贖前罪又可受賞得官
豈有不盡思縛獻兇渠免罪立功之理額勒登保
德楞泰務須實心妥辦廣爲曉示並設法傳攝賊
營不可使奸細潛行揭去仍致賊匪無從周悉也
至賊夥縛獻首逆時其距經畧叅贊軍營較遠者
自必送交就近帶兵將領軍營及沿途卡隘並著
經畧叅贊傳諭帶兵將領及各卡隘員弁不可誤
爲已功務卽據實報明經畧叅贊具奏朕必將該
員弁等一體加恩若本係賊夥獻出首逆該員弁

等捏稱擒獲邀功一經查出必嚴行治罪此時額
勒登保德楞泰自已會合一處熟籌善策務當遵
照節降諭旨上緊實力剿辦總以顧住東北逼向
西南將各股賊匪於三月以前一律掃除肅清川
陝當計日以待捷音之踵至也
臣等謹案剿捕邪匪已閱五年官兵爲所牽
縶轉戰萬山之中衝冒瘴霧重研疾走其勞
苦自不待言蒙
皇上體卹優加
頒資稠疊此次
特命大員責銀分賜凡在戎行孰不感而思奮又以
賊首尙稽面縛懸示賞格甚至從逆之徒果
能擒獻立功亦蒙
賞其前罪

嘉興維新仰見

威棱格被無非

仁聞昭宣敵愾同心如響斯應是以數萬兇頑授首

駢繁不色疾風之掃蕩也

上又命軍機大臣傳諭伯麟曰朕念軍興以來各路

兵勇打仗殺賊實為勞苦茲特派大理寺少卿竒

星額太僕寺少卿裘行簡前赴額勒登保德楞泰

聖祖聖訓卷三

五

兩路軍營頒賞以示體卹其頒賞銀兩若由京賫

往道途紆遠未免稍稽時日著伯麟即於藩庫內

動撥銀十萬兩遴委安員先期解至蒲州守候俟

嵩星額裘行簡到時仍令原委各員小心護運隨

同前往至此大動撥之項如可無需歸款則已倘

該省尚有別項支放不敷之處該撫據實奏聞即

由部庫照數撥還

十五日^{壬辰}額勒登保德楞泰奏言竊^臣德楞泰

因在西鄉接獲額勒登保知會就近前來軍營

會商一切遂自石泉漢陰於初四日起至雙乳

舖營中面晤伏思連年辦理賊匪未能速靖上

煩

聖慮仰蒙

皇上隨時訓示無意不周^臣等俱身膺重任焦憤萬

聖祖聖訓卷三

六

狀不惟不敢稍分畛域亦不敢稍避嫌疑惟當

合力同心速圖賊事而賊匪朝夕更變一切機

宜尤應隨時酌定以目下各處賊勢而論如徐

添德及黃號等股賊匪已出楚境即有零星竄

匪亦屬無多是楚省尙輕煥冉各逆竄入棧中

是否入甘亦在未定川省東北雖有敗殘餘股

未經散漫現在最為著重者莫過於陝之漢江

以北及川陝交界之安康西鄉紫陽等處兼之
江北賊匪稍有疎漏則由商維一帶即可入豫
由漫川關一帶又可入楚關係非淺臣等本擬
卽行分兵先剿高三馬五王廷詔等股適又據
探報徐添德并黃號賊匪已自洵陽地方過江
該處更與豫楚邊界相近亟應兜剿是以臣等
熟商臣德楞泰帶領官兵卽赴洵陽一帶緊顧
東面關入豫楚之路竭力剿洗臣額勒登保先
已派令穆克登布豐紳等緊躡高三王廷詔等
逆由松樹壩一帶而進仍親自帶兵趕往督剿
並先顧東北前途與德楞泰或分或合視賊之
趨向再定至現在楚境之賊勢固輕而賊之蹤
跡未能決其必不入楚仍須戒備所有長齡明
亮帶領馬隊官兵皆爲勁旅未便僅令防堵又

聖訓彙編卷五

七

聖訓彙編卷五

六

查前有原任總兵李紹祖帶去楚北川兵一千
餘名臣等已札致長齡明亮一併帶領於陝楚
邊界相度賊情剿辦其楚省原有之兵悉歸書
麟統轄責成倭什布孫清元德昌等照舊分設
卡隘嚴防至由棧道竄去樊人傑冉添士王士
虎冉學勝等股賊匪楊遇春格布舍等已在緊
躡追剿接准督臣長麟來信亦已帶兵入棧現
將南鄭寧羌等處防剿之事全歸慶成統率專
辦等因楊遇春等若能將樊冉等匪就地剿淨
固屬甚善卽或該匪竄至甘省既有楊遇春格
布舍緊擊長齡亦帶有馬步官兵更可協辦且
長麟相繼入甘則糧餉等事並可無虞缺乏倘
將賊匪逼歸川北楊遇春等緊跟入川剿辦長
麟又可在原防地方督率堵剿再川省情形臨

陵江尤爲緊要若該匪等或致闖入川西實不成事臣等已嚴飭許文謨趙得功等務須緊截江岸并札致勒保七十五嚴飭各該處防江文武并地方官逐段撤去船隻加意防範現在高三馬五王廷詔徐添德等逆俱在漢江之北於各股中最爲狡猾兇悍臣等乘此兵威分投盡力趕剿仰仗

聖訓纂要編卷三

九

皇上福庇如卽以次掃蕩漢南之賊自更聞風膽落易於殲洗大局可足此臣等會商剿辦之情形也然緊剿之外必須到處團寨以絕賊擄糧掠人之念更可收事半功倍之效川省因上緊團寨大有明驗愚民無知向有團勇之名彼且疑爲藉以殺賊往往心存畏縮此時并不必言團勇但言團寨百姓各有身家譬如尋常高築墻

垣以禦寇盜人自樂從從前陝省亦有寨洞總未齊全往來路傍結寨尙多其偏僻之處寨落稀見所以賊匪翻山越嶺仍得恣其擄掠又團寨之事民間力量不齊全在設法勸導調劑僅責令本管地方州縣辦理誠難周密故督撫等未嘗不三令五申仍復因循遲緩應派妥員分段承辦方可迅速現在欽奉

聖訓纂要編卷三

三

諭旨酌令藩司溫承惠回任辦事臣等查藩司係通省大員又爲錢糧總匯之地得有本任專辦較爲妥協溫承惠前由道員帶領鄉勇在安康一帶堵賊疊沐

恩施該員倍加感奮屢有斬獲因此連年留駐而究係文職衝鋒打仗非其所長今臣等擬將該司所領鄉勇均歸原任總兵柯藩管帶仍在安康

一帶堵賊遵

旨卽令溫承惠回任一面辦理糧餉清查款項一面兼辦地方事件以重責成至溫承惠既回本任則署藩司台斐音可以空出所有陝省團寨之事有如鳳縣寶雞整屋鄠縣各峪口以外現有山西臬司王文湧在彼堵禦該員本係鳳邠道此一帶民情地利最爲熟悉其未經團寨之處卽責令該司承辦外其紫陽安康平利洵陽白河等縣在在與川楚連界尤關萬緊查台斐音前以疎防之案降爲鳳邠道臣額勒登保本知其陝年久且聞該員署理藩司諸事認真而於辦理朝邑藍田賑務小民均沾實惠頗得衆心此一帶卽責成台斐音前赴興安督辦并可催運糧餉實爲得濟又商州山陽鎮安一帶尙

有未經修築堡寨該州知州陳邵素稱能事卽責令該員趕緊補築再各該處地方遼濶非多委正佐各官分投緊辦不能剋日完整應卽令王文湧台斐音等稟請撫臣陸有仁派委將來各委員如實在出力原當保薦未補缺者先行補缺應陞者卽應陞用其疎忽玩愒者並卽叅處用示勸懲總以兵過賊淨之處普行修築寨落既多糧食俱可收貯卽百姓貿易趕集之事亦可不致分散任賊滋擾殺賊本以安民先將百姓安定賊匪無從窺伺而各路官兵又皆竭力剿辦地方自歸寧謐其楚北以及甘肅等省尙有須添補團寨之處臣等亦卽咨明書麟長麟等一體妥辦

額勒登保又奏言竊臣接准陸有仁咨稱派委

漢中府知府趙洵將關騰提解前來恭宣

諭旨革職拏問訊據關騰供稱賊匪樊人傑再添士

等竄近江岸時實曾在大紅石江岸親身督率

弁兵將賊擊退因賊匪分股竄至茶鎮相隔遙

遠未及兩處兼顧致被搶渡但茶鎮本是所管

汛地賊既竄過願甘治罪等情查上年總兵索

費英阿因防堵不嚴任賊竄過奉

聖旨著索費英阿等

革職

旨於軍營枷號俟軍務告竣再行發往伊犁此案已

革總兵關騰於賊匪竄至茶鎮江岸搶渡不能

趕往認真堵禦實有應得之咎惟細核案情賊

匪係先撲大紅石江岸該革鎮曾親身督率兵

丁將賊擊退維時賊已分股竄往茶鎮其勢不

能兼顧以視索費英阿之任賊竄過情罪稍覺

有間應請將關騰發往伊犁効力贖罪等語

詳核陸有仁所擬情真罪當應請

旨將革職總兵關騰發往伊犁効力贖罪以昭炯戒

均奏入

上命軍機大臣傳諭額勒登保德楞泰曰額勒登保

德楞泰奏會商趕緊剿辦賊匪情形所議俱妥高

三馬五王廷詔已先後竄至江北而徐添德并黃

號賊匪亦自洵陽地方過江此數逆在賊匪中甚

聖旨著索費英阿等

革職

為狡猾兇悍今經畧叅贊兩路之兵最為矯健現

俱會合一處該逆適接踵竄入江北實屬自投羅

網為極好機會額勒登保與德楞泰會同商定德

楞泰帶領官兵卽赴洵陽一帶緊顧東面擊剿徐

添德及黃號股匪額勒登保先派穆克登布豐紳

等緊躡高三馬五王廷詔等逆亦卽親自帶兵趕

往督剿二人注意專剿此兩股剿賊與朕意適相